



# ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1, հեռ.՝ (-374 11) 514 004, էլ. փոստ՝ mayor@yerevan.am

№ 16/16312-24

«30» հունվարի 2024թ.

«ԱՏՐՈՅ ՇԻՆ 22» ՍՊԸ-Ի  
ՏՆՕՐԵՆ Վ. ԱՄԻՐՅԱՆԻՆ  
/Ք. Երևան, Ավան 8փ., 12 տուն/

## Ծ Ա Ն ՈՒ Ց ՈՒ Մ

### Պայմանագիրը միակողմանի լուծելու մասին

Հարգելի՛ պարոն Ամիրյան,

Երևանի քաղաքապետարանի և «Ատրոյ Շին 22» ՍՊ ընկերության միջև 2023 թվականի ապրիլի 3-ին կնքված հ. «ԵՔ-ԳՀԱՇՁԲ-23/26» ծածկագրով կապալալի աշխատանքների կատարման գնման պայմանագրի (այսուհետ՝ Պայմանագիր) 1.1 կետի համաձայն՝ Կապալառու պարտավորվում է սույն պայմանագրով սահմանված կարգով, նախատեսված ծավալներով ձևով և ժամկետներում կատարել սույն պայմանագրի N 1 Հավելվածով սահմանված ծավալաթերթ-նախահաշվով նախատեսված Բուզանդի 1/3 հասցեում գտնվող շենքի /արխիվի/ թվով 1-ին սենյակի վերանորոգման աշխատանքները (այսուհետ՝ աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

Երևանի քաղաքապետարանի աշխատակազմի շինարարության և բարեկարգման վարչության կողմից Պայմանագրով պատվիրատուին վերապահված իրավունքների և պարտականությունների իրացման արդյունքում պարզվել է, որ Կապալառուի կողմից չեն պահպանվել պայմանագրի 1.2 կետով սահմանված աշխատանքների կատարման պահանջները:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ «Պարտավորության ուժով մի անձը (պարտապանը) պարտավոր է մեկ այլ անձի

(պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը»:

Երևանի քաղաքապետարանի աշխատակազմի շինարարության և բարեկարգման վարչությունը հաշվի առնելով այն հանգամանքը, որ 18.07.2023 թվականին Երևանի քաղաքապետարանի և «Ստրոյ Շին 22» ՍՊ ընկերության միջև 2023 թվականի ապրիլի 3-ին կնքված հ. «ԵԲ-ԳՀԱՇՁԲ-23/26» ծածկագրով կապալային աշխատանքների կատարման գնման պայմանագրի կատարման ժամկետն ավարտվել է, ուստի 25.10.2023թ. և 16.01.2024թ., «Ստրոյ Շին 22» ՍՊ ընկերությանն է հասցեագրել համապատասխանաբար թիվ 16/193177-23, 16/6401-24 գրությունները՝ պայմանագրով ստանձնած պարտավորությունները կատարելու վերաբերյալ, իսկ 16.01.2024թ. թիվ 16/6401-24 գրությամբ սահմանվել է ողջամիտ ժամկետ՝ մինչև սույն թվականի հունվարի 18-ը Պայմանագրի N 1 Հավելվածով սահմանված ծավալաթերթ-նախահաշվով նախատեսված Բուզանդի 1/3 հասցեում գտնվող շենքի /արխիվի/ թվով 1-ին սենյակի վերանորոգման աշխատանքները կատարելու մասին, այնինչ ներկայացված գրություններին որևէ ընթացք չի տրվել և «Ստրոյ Շին 22» ՍՊ ընկերության կողմից՝ Բուզանդի 1/3 հասցեում գտնվող շենքի /արխիվի/ թվով 1-ին սենյակի հակահրդեհային համակարգի և մուտքի դռան տեղադրման աշխատանքները չեն իրականացվել:

**Պայմանագրի 3.1.4 կետի համաձայն՝ Պատվիրատուն իրավունք ունի միակողմանի լուծել պայմանագիրը և պահանջել հատուցելու իրեն պատճառված վնասները, եթե.**

**բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը):**

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հաշվի առնելով այն հանգամանքը, որ «Ստրոյ Շին 22» ՍՊ ընկերությունը խախտել է պայմանագրով սահմանված պարտավորությունները և ղեկավարվելով վերը նշված իրավական հիմքերով՝ **Պատվիրատուն միակողմանի (մասնակի) լուծում է պայմանագիրը՝ պարզաճ ծանուցումն ապահովելու նպատակով կիրառելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» Կարգի 33-րդ կետի 17-րդ ենթակետով սահմանված դրույթները:**

Համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և

մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործի եզրափակիչ դատական ակտն ուժի մեջ մտնելու օրվան հաջորդող հինգերեք օրը, եթե դատական քննության արդյունքով որոշման կատարման հնարավորություն չի վերացել:

Ընդ որում, եթե՝

-սույն կետով նախատեսված՝ լիազորված մարմինն որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է պայմանագրի կատարման և որակավորման ապահովման համար սահմանված գումարները՝ համապատասխանաբար 1913665 (մեկ միլիոն ինը հարյուր տասներեք հազար վեց հարյուր վաթսունհինգ) ՀՀ դրամ և 2870497.5 (երկու միլիոն ութ հարյուր յոթանասուն հազար չորս հարյուր ինսունյոթ դրամ հինգ լումա) ՀՀ դրամ Երևանի քաղաքապետարանի 900015211429 հաշվեհամարին, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմնին.

-մասնակցի կամ պայմանագիրը կնքած անձի կողմից հայտի, պայմանագրի և որակավորման ապահովման գումարի վճարումն իրականացվել է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ պայմանագիր կնքած անձին ցուցակում ներառելու վերջնաժամկետը լրանալու օրը, ապա պատվիրատուն դրա մասին գրավոր տեղեկացնում է լիազորված մարմնին, որի հիման վրա մասնակիցը չի ներառվում ցուցակում:

Առդիր՝ 3 (երեք) ֆայլ:

**ՀԱՐԳԱՆՔՈՎ՝**

**ՇԻՆԱՐԱՐՈՒԹՅԱՆ ԵՎ**

**ԲԱՐԵԿԱՐԳՄԱՆ ՎԱՐՉՈՒԹՅԱՆ ՊԵՏԻ**

Ստորագրող

ՏԻԳՐԱՆ ԳԵՂԱՄՅԱՆ

3910890377

2024-01-30 15:26:36 GMT+4

Հավաստված է ԷԿԵՆԳ-ի կողմից



**ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ**  
**ՏԻԳՐԱՆ ԳԵՂԱՄՅԱՆ**